

M167: Leipziger Predigten (Fragment I)

- 1a,1 Er opphirte sich felbin mit gute mit alle dem almectigen
 1a,2 gote. Man uinch in. Man warf in in kerkere. maniger
 1a,3 flachte wize leider. Man legete in uf einin iferen roft
 1a,4 zeme fiure. vnt wolte in damite tuvingen. daz er gotes uerlovchnete.
 1a,5 da lach er ime fiure. vnt nibran nicht alf man
 1a,6 uon ime lifet vnt finget. Et in medio ignis non fum estuatus.
 1a,7 da wart er irluteret daz golt. daz man da irluterth. dem almechtigen
 1a,8 gote. ze erin vnt ze lobe. also uon ime gefchriben
 1a,9 ift. Sicut aurum probauit me dominus. Nu bittet den
 1a,10 guten fente laurentium hiute der ime fiure lach vnt nicht nebran.
 1a,11 daz er unf helfe wider got. daz wir uon dem ewigen
 1a,12 fiure erlofet werdin. daz da lip vnt fele brinnet.
 1a,13 Vvir folden v uil dicke fagen uon den genaden des almechtigen
 1a,14 gotes. vnt uon der michelen frowede des himelriches.
 1a,15 vnt fcolden iz v liben. Nune magez v aber niman so
 1a,16 durch fagen so iz ift. wen ich sage v inder warheite des
 1a,17 almechtigen gotes vnt inder warheite allir finer heiligen. daz
 1a,18 mer genaden da ze himele ift dannez v man gefagen kunne.
 1a,19 oder iman irdenken muge. alf unf fente paulus faget. Quia
 1a,20 nec oculus uidit nec auris audiuit nec in cor hominis ascendit
 1a,21 que preparauit deus diligentibus se. Er quit. da si diu frowede
 1a,22 di ni ovge gefehe. noch ore nehorte. noch ni neheines
 1a,23 mennichin herze erdechte. die min trech[tin] [...]

 1b,1 [...] [in] [der] helle ift diu ewige ungenade vnt fogetan leid deiz niman
 1b,2 dem andirin gefagen nemach. daz den gotes uianden gegerwet
 1b,3 ift. dar nach fult ir denkin. Niman ne guode "ich
 1b,4 nehan der ftati nicht. daz ich id gutes gittun muge." Daz
 1b,5 himel riche daz ift feile al dar nach so der man ftate hat.
 1b,6 daz der riche chovfet mit allem sine gute. daz covfet der
 1b,7 arme mit sineme eigin. oder mit einer fniten protes. ne hat
 1b,8 er aber des nit. so habe guten willen vnt gewinne aber da
 1b,9 mite daz chimelriche. Ich mane uch also min recht ift durch
 1b,10 uwer felbis felicheit daz uch dife werlt nicht uerleite. diu
 1b,11 fol ift aller untruwe vnt aller uppicheit. di ir uil unfamfte
 1b,12 lazet. er if icht wizit. Nu bitet den almechtigen got. daz
 1b,13 er v gefvze vnt gelibe sine genade. daz ir ime geuolgin muzit
 1b,14 ze den ewigin genadin. Quod ipse. Communio altaris fol

1b,15 unf fin teftimonium dilectionis dei per criftum. unt fol unf
1b,16 fin fpes et confortatio et reconciliatio inter nos & deum. von
1b,17 div ante perceptionem communionis faciamus pactum cum deo
1b,18 in ipfa dominica oratione. alfo wir wollen tvn unfirin fculdigin.
1b,19 Ex ifto pacto uel uiuificamur. uel dampnamur. Quomodo
1b,20 communicat deo et ecclefie/ qui cum proximo discordat?
1b,21 Non acceditur ad altare lapideum fed altare aureum quod eft
1b,22 ante oculos dei. quod eft filio dei. Corpus domini non
1b,23 fanctificat indigne accedentes fed dampnat. Nv rate ich v
1b,24 daz ir ze mineme trechtine fliet vnt irlovbet uch der werke
1b,25 di wider gote fint vnt wider uwer fele. Erlovbet uch der
1b,26 ubilin werche. Erlovbet uch uwerf unrechtes. Erlovbet uch
1b,27 uwerf unrechtes gewinnes. Iz ift ein uil unfelich ge[win][.]